

摘藻堂四庫全書薈要

集部

欽定四庫全書薈要卷一萬七千六百五十六

集部

御定全唐詩卷二百五十一

劉方平

劉方平河南人邢襄公政會之後與元德秀善不仕詩一卷

代宛轉歌二首

星參差明

一本無明字

月二八燈五枝黃鶴瑤琴將別去笑

蓉羽帳惜空垂歌宛轉宛轉恨無窮願為潮

一作波

與浪

俱起碧流中

曉將近黃姑織女銀河盡

一作隱

九華錦衾無復情千金

寶鏡誰能引歌宛轉宛轉傷別離願作楊與柳同向玉窗垂

烏栖曲二首

蛾眉曼臉傾城國鳴環動佩新相識銀漢斜臨白玉堂  
芙蓉行帳掩燈光

畫舸雙艚錦為纜芙蓉花發蓮葉暗門前月色映橫塘

感郎中夜度瀟湘

巫山高

楚國巫山秀清  
後日夜啼萬重  
春樹合十二碧  
峯齊峽出朝雲  
下江來暮雨西  
陽臺歸路直不  
畏向家迷

巫山神女

神女藏難識  
巫山秀莫羣  
今宵為大雨  
昨日作孤雲  
散漫愁已峽  
徘徊戀楚君  
先王為立廟  
春樹幾氛氲

梅花落

新歲芳梅樹繁花

一作芭

四面同春風吹漸落一夜幾枝

空少

一作小

婦今如此長城恨不窮莫將遼海雪來比後

庭中

銅雀妓

遺令奉君王嘯蛾強一妝歲移陵樹色恩在舞衣香玉  
座生秋氣銅臺下夕陽淚痕霑井榦舞袖為誰長

秋夜思

一作淮上秋夜

旅夢何時盡征途望每賒晚秋淮上水新月楚人家猿

嘯空山近鴻飛極浦斜明朝南岸去言

一作定

折桂枝花

秋夜泛舟

林塘夜發舟蟲響荻颼颼萬影皆因月千聲各為秋  
歲華空復晚鄉思不堪愁西北浮雲外伊川何處流

折楊枝

官一作空渡初楊柳風來亦動搖武昌行路好應為最長

條葉映黃鸝夕花繁白雪朝年年攀折意流恨入纖腰

班婕妤

一作怨 婕妤

夕殿別君王宮深

一作深宮

月似霜人幽

一作愁

在長信螢出

向昭陽露浥紅蘭濕

一作死

秋凋碧樹傷惟當合歡扇從

此篋中藏

### 新春

南陌春風早東隣曙色斜  
一花開楚國雙燕入盧家  
眠罷梳雲髻妝成上錦車  
誰知如昔日更浣越溪紗

### 寄嚴八判官

洛陽新月動秋砧瀚海沙場  
天半陰出塞能全仲叔策

安親更切老萊心  
漢家宮裏風雲曉  
羌笛聲中雨雪深  
懷袖未傳三歲字  
相思空作隴頭吟

秋夜寄皇甫冉鄭豐

洛陽清夜白雲歸  
城裏長河列宿稀  
秋後見飛千里雁  
月中聞擣萬家衣  
長憐西雍青門道  
久別東吳黃鵠磯  
借問客書何所寄  
用一作心不啻兩鄉違

寄隴右嚴判官

副相西征重一作蒼生屬望晨  
還同周薄伐不取漢和



親虜陣摧枯易王師決勝頻高旗臨鼓角太白靜風塵  
赤狄爭歸化青羗已請臣遙傳聞外美盛選幕中賓玉  
劍光初發水壺色自真忠貞期報主章服豈榮身邊草  
含風綠征鴻過月新胡笳長出塞隴水半歸秦絕漠多  
來往連年厭苦辛路經西漢雪家擲後園春誰念煙雲  
裏深居汝潁濱一叢黃菊地九日白衣人松葉疎開嶺  
桃花密暎津縑書若有寄為訪許由隣

擬娼樓節怨

上苑離離鶯度昆明  
幕幕蒲生時光春華  
可惜何須對鏡含情

採蓮曲

落日晴江裏荆歌豔  
楚腰採蓮從小慣十  
五即乘潮

長信宮

夢裏君王近宮中河  
漢高秋風能再熱團  
扇不辭勞

京兆畧

新作蛾眉樣誰將月  
裏同有一作來凡幾日  
相效滿城

中

春雪

飛雪帶春風，  
裊回亂繞空。  
君看似花處，  
偏在洛陽東。

望夫石

佳人成古石，  
蘚駁覆花黃。  
猶有春山杏，  
枝枝似薄妝。

送別

華亭霽色滿今朝，  
雲裏檣竿去轉遙。  
莫怪山前深復淺，  
清淮一日兩迴潮。

夜月

更深月色半人家  
北斗闌干南斗斜  
今夜偏知春氣暖  
蟲聲新透綠窗紗

春怨

紗窗日落漸黃昏  
金屋無人見淚痕  
寂寞空庭春欲  
又晚梨花滿地不開門

代春怨

朝日殘鶯伴妾啼  
開簾只見草萋萋  
庭前時有東風入

楊柳千條盡向西

御定全唐詩卷二百五十一

欽定四庫全書薈要卷一萬七千六百五十七

集部

御定全唐詩卷二百五十二

劉太真

劉太真宣州人師蕭穎士天寶末舉進士大歷中拜起居郎歷臺閣自中書舍人轉工部刑部二侍郎坐事貶信州刺史貞元四年重九賜宴曲江亭帝製詩序賜羣寮各一本命簡文詞之士應制同用清字明日於延英門進之於是朝臣畢和上自考定以太真李紆等為上

等集三十卷今存詩三首

宣州東峰亭各賦一物得古壁苔

同賦袁修崔何王緯高修

李岑蘇寓

袁邕郭澹

苒苒溫寒泉綿綿古危壁光含孤翠動色與暮雲寂深  
淺松月間幽人自登歷

顧十二况左遷過韋蘇州房杭州韋睦州三使  
君皆有郡中燕集詩辭章高麗鄙夫之所仰慕  
顧生既至留連笑語因亦成篇以繼三君子之

風馬

寵至乃不驚罪及非無由奔迸歷畏途緬邈赴偏

荒一作

陬牧此彫弊眊屬當賦斂秋夙興諒無補旬暇焉敢休  
前日懷友生獨登城上樓迢迢西北望遠思不可收  
今日車騎來曠然銷人憂晨迎東齋飯晚度南溪遊以我  
碧流水泊君青翰身莫將遷客程不為勝境留飛札謝  
三守斯篇希見酬

貢院寄前主司蕭尚書聽

一作呂渭詩



獨坐貢闈裏愁心芳草生山公昨夜事應見此時情

袁修

袁修官御史中丞兵部侍郎詩二首

東峰亭同劉太真各賦一物得垂澗藤

寒澗流不息古藤終日垂迎風仍未定拂水更相宜  
新花與舊葉惟有幽人知

喜陸侍御破石埭草寇東峰亭賦詩

古寺東峰上登臨興有餘同觀白簡使新報赤囊書幾

處閒峰堆千方慶里間欣欣夏木長寂寂晚煙徐戰罷  
言歸馬還師賦出車因知越范蠡湖海意何如

崔何

崔何官御史詩二首

東峰亭各賦一物得嶺上雲

佇立增遠意中峰見孤雲溶溶傍危石片片宜夕曛漸  
向羣木盡殘飛更氤氳

喜陸侍御破石埭草寇東峰亭賦詩

絕景西溪寺連延近郭山高深清扁外行止翠微間江  
澈煙塵靜川源草樹閒中丞健步到柱史捷書還一戰  
清戎越三吳變險艱功名麟閣上得詠入秦關

王緯

王緯官給事中詩二首

東峰亭各賦一物得幽徑石

片石東溪上陰崖剝阻修雨餘青石靄歲晚綠苔幽從  
來不可轉今日為人留

喜陸侍御破石埭草寇東峰亭賦詩

蜂蠆聚吳州推賢奉聖憂忠誠資上策仁勇佐前籌  
草木成鵠鶴戈鋌復斗牛戎車一戰後殘壘五兵收  
野靜山戎險江平水面流更憐羈旅客從此罷葵丘

郭澹

郭澹天寶大歷間人詩二首

東峰亭各賦一物得臨軒桂

青青芳桂樹幽陰在庭軒向日陰還合從風葉乍翻共

看霜雪後終不變涼暄

喜陸侍御破石埭草寇東峰亭賦詩

介胄鷹揚出山林蟻聚空忽聞飛簡報曾是坐籌功迥  
夜昏氛滅危亭眺望雄茂勲推世上餘興寄杯中喜色  
煙霞改歡忻里巷同幸茲尊俎末飲至又從公

高倬

高倬天寶大歷間人詩一首

東峰亭各賦一物得林中翠

杳靄無定狀霏微常滿林清風不散過雨色偏深幽  
意賞難盡終朝再招尋

李岑

李岑天寶大歷間人詩一首

東峰亭各賦一物得棲煙鳥

從來養毛羽昔日曾飛遷變轉對朝陽差池棲夕煙遇  
此枝葉覆夙舉冀冲天

蘇寓

蘇寓天寶大歷間人詩一首

東峰亭各賦一物得寒溪草

羃歷溪邊草遊人不厭看餘芳幽處老深色望中寒幸  
得陪情興青青賞未闌

袁邕

袁邕天寶大歷間人詩一首

東峰亭各賦一物得陰崖竹

終歲寒苔色寂寥幽思深朝歌猶夕嵐日水流清陰龍

鍾負煙雪自有凌雲心

李紆

一作舒

李紆字仲舒天寶末拜祕書省校書郎大歷初以吏部侍郎李卿薦為左補闕累遷司封員外郎知制誥改中書舍人歷禮部侍郎嘗奏享武成王不當視文宣廟又奉詔為興元紀功述及郊廟樂章諸所論著甚衆貞元中重陽應制詩與劉太真皆為上等今其詩不傳存樂章十三首



唐德明興聖廟樂章

唐書禮儀志曰明皇天寶二年三月追尊皋繇為德

明皇帝涼武昭王為興聖皇帝其廟樂第一

迎神第二登歌奠幣第三迎俎第四酌獻第

五亞獻終獻

第六送神

迎神

元尊九德佐堯光宅烈祖太宗方周作伯響懷霜露樂  
變金石白雲清風髣髴來格

登歌奠幣

四時有典百事來祭尊祖奉宗嚴禋大帝禮先蒼璧奠

備黜制於萬斯年熙成帝系

迎俎

盛牲實俎消選休成鼎燧陽燧玉盥陰精有飶嘉豆既  
和太羹侑以清樂細齊人情

德明酌獻

清廟奕奕和樂雍雍器尊犧象禮屬宗公白水方裸黃  
流在中謨明之德萬古清風

興聖酌獻

闕宮靜謐合樂周張泰尊始獻百末重觴震澹存誠庶  
樂迪嘗遙源之祚天漢靈長

亞獻終獻

惟清惟肅靡聞靡見舉備九成俛終三獻慶彰曼壽昨  
撤嘉薦瘞玉埋牲禮神斯徧

送神

元精回復靈貺鯨滋風灑蘭路雲搖桂旗高丘緬邈涼  
部逶遲瞻望靡及纏綿永思

讓皇帝廟樂章

迎神

皇矣天宗德先王季因心則友克讓以位爰命有司式  
尊前志神其降靈昭饗祀事

奠幣

惟帝時若去而上仙祀用商武樂備宮懸白璧加薦玄  
纁告虔子孫拜後承茲吉蠲

迎俎

祀盛體薦禮協粢盛方周假廟用魯純牲捧撤祇敬擊拊和鳴受釐歸胙既戒而平

酌獻

八音具舉三壽既盟潔茲宗彝瑟彼圭瓚蘭肴重錯椒醑飄散降祚維城永為藩翰

亞獻終獻

秩禮有序和音既同九儀不忒三揖將終孝感藩后相維辟公四時之典永永無窮

送神

奠獻已事昏昕載分風搖雨散靈衛綢緼龍駕帝服已  
上一作騰五雲泮宮復閔寂寞無聞

于邵

于邵字相門京兆萬年人天寶末進士登科書判超絕  
授崇文館校書郎歷比部郎中出為巴州刺史時夷獠  
聚衆圍州邵遣使諭降儒服出城羣盜羅拜解散節度  
使李抱玉以聞遷梓州後為禮部侍郎史館修撰當時

大詔令皆出其手貞元中重陽應制詩居次等今不傳  
存樂章五首

釋奠武成王樂章

唐釋奠武成王舊以文宣王樂章用之貞元中詔于邵補

造

迎神

卜畋不從兆發非熊乃傾荒政爰佐一戎盛烈載垂命  
祀維崇日練上戊宿嚴闕宮迎奏嘉至感而遂通

奠幣登歌

管磬升壇鄉集上公進嘉幣執信以通儉如及恢帝功  
錫后邑四維張百度立綿億載邈難挹

迎俎酌獻

五齊絜九牢碩椀縈循壘竿滌進具物揚鴻勳和奏發  
高靈寤虔告終縣祉錫昭秩祀永無易

亞獻終獻

貳觴以獻三變其終顧此非馨尚達斯衷茅縮可致神  
歆載融始神翊周拯溺除凶時維降祐永絕興戎



送神


明祀方終備樂斯闋玄纁就瘞豆籩告撤盥尚餘光  
景云滅返歸虛極神心則悅

御定全唐詩卷二百五十二

謹案卷二百五十二第三頁前二行湖海意何如  
刊本何如訛如何據別本改



--	--	--	--	--	--	--	--	--



總校官庶吉士 臣 張能照

校對官檢討 臣 王鍾健

謄錄監生 臣 孫起鵬

謄錄貢生 臣 蘇曰柄

欽定四庫全書薈要

集部

御定全唐詩卷二百五十七

三五

欽定四庫全書薈要卷一萬七千六百五十八

集部

御定全唐詩卷二百五十三

王之渙

王之渙并州人兄之咸之賁皆有文名天寶間與王昌齡崔國輔鄭昉聯唱迭和名動一時詩六首

登鶴雀樓

一作朱斌詩

白日依山盡黃河入海流欲窮千里目更上一層樓

送別

楊柳東風

一作門

樹青青夾御河近來攀折苦應為別離

多

涼州詞二首

焦異記云開元中之渙與王昌齡高適齊名共詣旗亭賞酒小飲有

梨園伶官十數人會讌三人因避席隈映擁爐以觀焉俄有妙妓四輩奏樂皆當時名部昌齡等私相約曰我輩各擅詩名每不自定甲乙今者可以容觀諸伶所謳若詩入歌詞之多者為優初謳昌齡詩次謳適詩又次復謳昌齡詩之渙自以得名已久因指諸妓中最佳者曰待此子所唱如非我詩即終身不敢與子爭衡次至雙鬟發聲果謳黃河云云因大諧笑諸伶詰問語其事乃競拜乞就筵席三人從之飲醉竟日

黃河遠

一本次句為第一句黃河遠上作黃沙直上

上白雲間一片孤城萬

仞山羌笛何須怨楊柳春光不度玉門關

單于北望拂雲堆殺馬登壇祭幾迴漢家天子令神武  
不肯和親歸去來

宴詞

長隄春水綠悠悠  
吠入漳河一道流  
莫聽聲聲催去櫂  
桃溪淺處不勝舟

九日送別



薊庭蕭瑟故人稀  
何處登高且送歸  
今日暫同芳菊酒  
明朝應作斷蓬飛

閻防

閻防開元天寶間有文名謫官長沙司戶孟浩然有湖  
中旅泊寄閻九司戶詩又嘗與薛據讀書終南豐德寺  
詩五首

晚秋石門禮拜

一作  
禮佛

輕策臨絕壁  
招提謁金仙  
舟車無由

一作  
遊

徑巖嶠乃屬

天躑躅淹景夷猶望新弦石門變暝色谷口生人煙  
陽鴈叫平楚秋風急寒川馳暉苦代謝浮脆慙貞堅永  
欲卧丘壑息心依梵筵誓將歷劫願無以外物牽

百丈谿新理茅茨讀書

浪迹棄人世還山自幽獨始傍巢由蹤吾其獲心曲荒  
庭何所有老樹半空腹秋蛩鳴北林暮鳥穿我屋棲遲  
樂遵渚恬曠寡所欲開卦推盈虛散帙攻節目養閒度  
人事達命知止足不學東周一作國儒俟時勞伐輻

宿岸道人精舍

早歲參道風放情入寥廓重因息

一作經  
因息

心侶遂果巖

下諾斂跡辭人間杜門守寂寞秋風翦蘭蕙霜氣冷淙

壑山牖見然燈竹房

一作  
曰

聞搗藥願言捨塵事所趣非

龍蠖

夕次鹿門山作

龐公嘉遯所浪跡難追攀浮舟暝始至抱杖聊自閒雙

巖

一作  
闕

開鹿門百谷集珠灣噴薄湍上水春容漂裏山

焦原不足險

一作足險峻

梁壑未成艱我行自春仲夏鳥忽

緜蠻蕙草色已晚客心殊倦

一作未

還遠遊非避地訪道

愛童顏安能徇機巧爭奪錐刀間

與永樂諸公夜泛黃河作

煙深載酒入但覺暮川虛映水見山火鳴榔聞夜漁愛

茲山水趣忽與人世

一作世人

踈無暇

一作假

然官燭中流有

望舒

句

熊踞庭中樹龍蒸棟裏雲

薛據

薛據河中寶鼎人開元十九年登第尚書水部郎中贈  
給事中據與王維杜甫最善子美贈詩云文章開突竄  
才力老益神高適贈詩云隱軫經濟具縱橫建安作劉  
長卿亦有贈詩皆推重之據為人骨鯁有氣魄詩十二  
首

懷哉行

明時無廢人廣廈無棄材良工不我顧有用

一作因

寧自

媒懷策望君門歲晏空遲迴秦城多車馬日夕飛塵埃

伐鼓千門啓鳴珂雙闕來我聞雷雨施天澤

一作下

罔不

該何意斯人徒棄之如死灰主好臣必効時禁權不

一作

必開俗流實驕矜得志輕草萊文王賴多士漢帝資羣

才一言竝拜相片善咸居台夫君

一作丈夫

何不遇為泣黃

金臺

古興

日中望雙

一作  
仙

闕軒蓋揚飛塵鳴珮初罷朝自言皆近

臣光華滿道路意氣安可親歸來宴高堂廣筵羅八珍

僕妾盡綺紈歌舞夜達晨四時固相代誰能久要津已

看覆前車未見易後輪丈夫須兼濟豈能

一作  
得

樂一身

君今皆得志肯顧憔悴人

冬夜寓居寄儲太祝

一作棊  
母潛詩

自為洛陽客夫子吾知音愛義能下士時人無此心奈  
何離居夜巢鳥飛空林愁坐至月上復聞南鄰砧

登秦望山

南登秦望山目極大海空  
朝陽半蕩漾晃朗天水紅  
谿壑爭噴薄江湖滯交通  
而多漁商客不悟歲月窮  
振緡迎早潮弭擢候長一作遠  
風予本萍泛者乘流任西東  
茫茫天際帆棲泊何時同  
將尋會稽迹從此訪任公

西陵口觀海

長江漫湯湯近海勢彌廣  
在昔胚渾一作脍凝融為百川

泱一作長地形失端倪  
天色濔一作潛滉漾東南際  
萬里極



目遠無象山影乍浮沈  
潮波忽來往孤帆或不見  
擢歌猶想像日暮長風起  
客心空振蕩浦口霞未收  
潭心月初上林嶼幾遭迴  
亭臯時偃仰歲晏訪蓬瀛  
真游非外獎

題寫林寺

道門隱形勝向背臨法橋  
松覆山殿冷花藏溪路遙  
珊寶幡挂皎皎明燈燒  
遲日半空谷春風連上潮  
少憑水木興暫忝身心調  
願謝攜手客茲山禪侶饒

初去郡齋書懷

一作初去郡書情

肅徒辭汝頽懷古獨悽然尚想文王化猶思巢父賢時

移多讒巧大道竟誰傳况是

一作見

疾風起悠悠旌旆懸

征鳥

鴻一作

無返翼歸流不停川已經霜雪下乃

仍一作

驗

松栢堅回首望城邑迢迢間雲煙志士不傷物小人皆  
自妍感時惟責已在道非怨天從此適樂土東歸知  
得幾年

出青門往南山下別業

舊居在南山夙駕自城

一作伊

闕榛莽相蔽虧去爾漸超

忽散漫餘雪晴蒼茫季冬月寒風吹長林白日原上沒  
懷抱曠莫伸相知阻胡越弱年好棲隱藥在巖窟及  
此離垢氛興來亦因物末路期赤松斯言庶不伐

泊震澤口

日落草木陰舟徒泊江汜蒼茫萬象開合沓聞風水洄  
浴值漁翁窸窣一作嘯逢樵子雲開天宇靜月明照萬里  
早鴈湖上飛晨鐘海邊起獨坐嗟遠游登岸望孤洲零

落星欲盡腫臃氣漸收行藏空自秉智識仍未周  
伍胥既仗劍范蠡亦乘流歌竟鼓楫去三江多客  
愁

題丹陽陶司馬廳壁

高鑿清洞徹儒風入進難詔書增寵命才子益能官  
門帶山光晚城臨江水寒唯餘好文客時得咏幽蘭

古興

投珠恐見疑抱玉但垂泣道在君不舉功成嘆何及

早發上東門

一作綦母潛詩題  
作落第後口號

十五能文西入秦三十無家作路人時命不將明主合

布

一作素

衣空惹

一作染

洛陽塵

句

省署開文苑滄浪學釣翁

紀事云此二句據之詩也子美懷據詩即用為句云獨當

省署開文苑兼  
泛滄浪學釣翁

窮冬時短晷日盡西南天

姚係

姚係宰相崇之曾孫為門下典儀韋應物集有送姚係

還河中詩或云河中人詩十首

秋夕會友

倦容易相失懽遊無良

浪一作

辰忽然一夕間稍慰闔家

貧白露下庭梧孤琴始悲辛迴風入幽草蟲響滿四鄰  
會遇更何時持杯重殷勤

荆山獨往

宿昔山水上抱琴聊躑躅山遠去難窮琴悲多斷續  
崑重丹陽樹泉咽聞陰谷時下白雲中淹留秋水曲秋水

石欄深潺湲如噴玉雜芳被陰岸墜露方消綠恣此平生懷獨游還自足

五老峰大明觀贈隱者

雲觀此山北與君攜手稀林端涉橫水洞口入斜暉頗  
覺一作鸞鶴通忽為煙霧飛故人清和客默會琴心微  
作見

丹術幸可授青龍當未歸悠悠平生意此日復相違

送周愿判官歸嶺南

早蟬望秋鳴夜琴怨離聲眇然多異感值子江山行由

來重義人感激事縱橫往復念遐阻淹留暮平生晨奔

九衢餞

一作樓

暮始萬里程山驛風月榭海門煙霞

一作霧

城易綃泉源近拾翠沙漱明蘭蕙一為贈貧交空復情

送陸渾主簿趙宗儒之任

山中眇然意此意乃平生常日望鳴臯

一作騶

遙對洛陽

城故人吏

一作吏

為隱懷此若

一作為

蓬瀛夕氣冒

一作渭

巖

上晨流瀉岸明存亡區中事影響羽人情溪寂值援下

雲歸聞竊聲及茲春始暮花葛正明榮

一作相蒙

會有攜手



日悠悠去無程

楊叅軍莊送宇文邈

秋雲冒原隰野鳥滿林聲愛此田舍事稽君車馬程離  
堂慘不喧脈脈復盈盈蘭葉一經霜

一作露

香銷為贈輕

燈光耿方寂蟲思隱餘

一作逾

清相望忽無際如含江海

情

京西遇舊識兼送往隴西

蟬鳴一何急日暮秋風樹即此不勝愁隴陰人更去相

逢與相失共是亡羊路

古別離

涼風已嫋嫋  
露重木蘭枝  
獨上高樓望  
行人遠不知  
輕寒入洞戶  
明月滿秋池  
燕去鴻方一作來  
至年年是別離

野居池上看月

悠然雲間月  
復此照池塘  
泣露蒼茫濕  
沈波澹盪  
盪光應門當未曙  
歌吹滿昭陽  
遠近徒傷目  
清輝霽自長

庭柳

裊裊揚柳枝當軒雜珮垂交陰總共密分條各自宜因  
依似永久一作攬結更傷離愛此陽春色秋風莫遽吹

令狐峘

令狐峘德棻五世孫登進士第祿山之亂隱居南山豹  
林谷司徒揚綰未仕時亦避地谷中嘗止峘舍賞其博  
學及綰為禮部侍郎引入史館建中初為禮部侍郎典  
貢舉執政揚炎有所請托峘得其私書奏之德宗惡其  
訐貶衡州別駕詩二首

硤州旅舍奉懷蘇州韋郎中

儒服學從政遂為塵事嬰銜命東復西孰堪異鄉情懷  
祿且懷恩策名敢逃名羨彼農畝人白首親友并江山  
入秋氣草木彫晚榮方塘寒露凝旅館涼飈生懿交守  
東吳夢想聞頌聲雲水方浩浩離憂何時平

釋奠日國學觀禮聞雅頌

肅肅先師廟依依胄子羣滿庭陳舊禮開戶拜清芬萬  
舞當華燭簫韶入翠雲頌歌清曉聽雅吹度風聞澹泊

調元氣中和美聖君唯餘東魯客蹈舞向南熏

滕珣

滕珣東陽人歷茂王傅太和初以右庶子致仕四品給  
券還鄉自珣始詩一首

釋奠日國學觀禮聞雅頌

太學時觀禮東方曉色分威儀何棣棣環珮又紛紛古  
樂從空盡清歌樂處聞六和成遠吹九奏動行雲聖上  
尊儒學春秋奠茂勳幸因陪齒列聊以頌斯文

欽定四庫全書



御定全唐詩  
卷二百五十三

御定全唐詩卷二百五十三

欽定四庫全書蒼要卷一萬七千六百五十九

集部

御定全唐詩卷二百五十四

常袞

常袞京兆人天寶末舉進士歷太子正字寶應二年為翰林學士考功員外郎中知制誥文章俊拔當時推重永泰元年遷中書舍人累上章陳西北利害代宗甚顧遇之加集賢院學士大歷初拜門下侍郎同平章事與楊綰並掌機務後出為福建觀察使集十卷今存詩九



首

奉和聖製麟德殿燕百寮應制

雲闕御筵張  
山呼聖壽長  
玉闌豐瑞草  
金陛立神羊  
台鼎資庖膳  
天星奉酒漿  
蠻夷陪作位  
犀象舞成行  
網已祛三面  
歌因守四方  
千秋不可極  
花發滿宮香

晚秋集賢院即事寄徐薛二侍郎

穆穆上清居  
沈沈中祕書  
金鋪深內殿  
石甃淨寒渠  
花樹臺斜倚  
空煙閣半虛  
縹囊披錦繡  
翠軸卷瓊瑤  
墨潤

水文蘭香銷盡字魚翻黃桐葉老吐白桂花初舊德雙  
遊處聯芳十載餘北朝榮庾薛西漢盛嚴徐侍講親華  
辰徵吟一作詩步綺疏綴簾金翡翠賜硯玉蟾蜍序一作移  
秩東南遠離憂歲月除承明期重入江海意何如

早秋望華清宮樹因以成詠

一作盧  
論詩

可憐雲木叢滿禁碧濛濛色潤靈泉近陰清輦路通玉  
壇標八桂金井識雙桐交映凝寒露相和起夜風數枝  
盤石上幾葉落雲中燕拂宜秋霽蟬鳴覺晝空翠屏更

隱見珠綴共瓊瓏  
雷雨生成早  
樵蘇禁令雄  
野藤高助  
綠仙果迴呈紅  
惆悵繚垣暮  
茲山聞暗蟲

和考功員外杪秋憶終南舊宅之作

一作和大  
理裴卿杪

秋憶山下舊居

以

下六首一作盧綸詩

靜憶溪邊宅  
知君許謝公  
曉霜凝未耜  
初日照梧桐  
澗鼠喧藤蔓  
山禽竄石叢  
白雲當嶺雨  
黃葉繞階風  
野菓垂橋上  
高泉落水中  
歡榮來自間  
羸賤賞曾通  
月滿珠藏海  
天晴鶴在籠  
餘陰如可寄  
願得隱牆東

題金吾郭將軍石狀茅堂

雲戟曙沈沈軒墀清且深家傳成棟美堯寵結茅心玉  
佩多依石油幢亦在林爐香諸洞暖殿影衆山陰草奏  
風生筆筵開雪滿琴客從龍闕至僧自虎溪尋瀟灑延  
清賞周流會素襟終朝惜塵步一醉見華簪

登棲霞寺

一作奉和李  
益遊栖霞寺

林香雨氣新山寺綠無塵遂結雲外侶共遊天上春  
寫鳴金閣麗僧語竹房鄰待月水流急惜花風起頻  
何方

非壞境此地有歸人迴首空門外幡然一幻身

逢南中使寄嶺外故人

見說南來處蒼梧指桂林過秋天更煖邊海日長陰巴  
路綠雲出蠻鄉入洞深信回人自老夢到月應沈碧水  
通春色青山寄遠心炎方難久客為爾一霑襟

代員將軍罷戰後歸故里

結髮事疆場全生到海

一作俱到

鄉連雲防鐵嶺同日破漁

陽牧馬胡天晚移軍磧路長枕戈眠古戍吹角立繁霜

歸老勲仍在酬恩虜未忘獨行過邑里多病對農桑雄  
劍依塵橐兵符寄藥囊空餘麾下將猶逐羽林郎

詠冬瑰花

奉和中書李舍人昆  
季詠寄徐郎中之作

獨寫寄煙霜雙鸞思晚芳舊陰依謝宅新豔出蕭牆蝶  
散搖輕露鶯銜入夕陽雨朝勝濯錦風夜劇焚香麗日  
千層豔孤霞一片光客來驚葉少動處覺枝長布影期  
高賞留春為遠方嘗聞贈瓊玖叨和愧升堂

句

風候已應同嶺北雲山仍喜似終南

題漳浦驛方輿勝覽

褚朝陽

褚朝陽登天寶進士第詩三首

登聖善寺閣

一題作登少室山

飛閣青霞裏先秋獨早涼天花映

一作散

窗近月桂拂簷

香華岳三峰小黃河一帶長空間

一作聞

指歸路煙際有

垂楊

五絲

越人傳楚俗截竹競縈絲水底深休也日中還賀之章  
施文勝質列匹美於姬錦繡侷新段羔羊寢舊詩但誇  
端午節誰薦屈原祠把酒時伸奠汨羅空遠而

奉上徐中書

中禁仙池越鳳凰池邊詞客紫薇郎既能作頌雄風起  
何不時吹蘭蕙香



御定全唐詩卷二百五十四

欽定四庫全書薈要卷一萬七千六百六十

集部

御定全唐詩卷二百五十五

蘇源明

蘇源明字弱夫武功人天寶中登第累遷國子司業祿山之亂不受偽署肅宗復兩京擢考功郎中終祕書少監與杜甫鄭虔善詩二首

小洞庭洄源亭讌四郡太守詩

并序 序  
內缺一字

天寶十二載七月辛丑東平太守扶風蘇源明觴

濮陽太守清河崔公季重魯郡太守隴西李公  
蘭濟南太守太原田公琦濟陽太守隴西李公  
俊于洄源亭既尊封壤乃密惠好前此濟陽以  
河堤之虞夫役之弊請南略我宿及魯之中都  
宿人訟其不便源明請廢濟陽以平陰長清屬  
濟南盧東阿歸我陽穀隸濮陽役均三邦利倍  
二邑不可則分我壽西入濮陽東入濟陽魯之  
中都北入於我書貢閭闔旨下陳留陳留太守

王公盛德帝俞才美人與自總連率實惟澄清

命屬官湖城主簿王子說會五太守於東平議

縣乃不割郡亦仍舊已事修讌姑以為別若夫

階抱孤嶠軒飛慶潭阻殘暑於重林遞高秋於

絕壑其盤何有孺鹿腴羊其俎何有燔兔膾魴

李下彫籠冰之以寒水瓜割銛刃巾之以疎絺

禮交乎上當世高賢之相允樂動乎下前古中

和之合作抑抑焉堂堂焉奚一人之富有而羣

后之緝熙也司土庀舟以待司功設祓以告徹  
饌更服陳羞潔尊自洄源起廣泊左拂蠶尾右  
遵吾山倒屹岫於波際指梁岑於林缺移搖敞  
豁瞋眇虛曠太皞苗裔可記任宿伯禹山川空  
流濟汶所遇多感祇牢為歡倬態目成以留客  
嫠容色授以勸酒繁絲疎管紛爾自會雅舞清  
唱倏然同引既醉源明以手版扣舷而歌歌闋  
鳥獸聞之低昂而相鳴魚鼈聞之沿洄而或躍

茲官吏安次而不易彼人庶樂業而不遷喜之  
哉樂之哉字過泊曰小洞庭盛集五太守高讌  
云爾

小洞庭兮牽方舟風嫋嫋兮離平流牽方舟兮小洞  
庭雲微微兮連絕崕層瀾壯兮緬以沒重巖轉兮超

以忽馮夷逝兮護輕橈蛟龍行兮落增一作中潮泊中

湖一作潮兮澹而閒並曲澂兮悵而還適予手兮非予

期將解袂兮藁予思尚君子兮壽厥身承明主兮憂

斯人

史稱廢濟陽詩序縣郡仍舊或其初議云

秋夜小洞庭離讌詩

并序

源明從東平太守徵國子司業須昌外尉袁廣  
載酒於洄源亭明日遂行及夜留讌會莊子若  
訥過歸莒相里子同禕過如魏陽穀管城青陽  
權衡二主簿在坐皆故人也徹饌新尊移方舟  
中有宿鼓有汶簧濟上嫣然能歌者五六人共  
載止洄源東柳門入小洞庭遲夷徬徨眇緬曠

樣流商雜徵與長言者啾焉合引潛魚驚或躍  
宿鳥飛復下真嬉遊之擇耳源明歌云云曲闕  
袁子曰君公行當揮翰右垣豈止典胄米廩邪  
廣不敢受賜獨不念四三賢源明醉曰所不與  
君子及四三賢同恐懼安樂有如秋水晨前而  
歸及醒或說嚮之陳事源明局局然笑曰狂夫  
之言不足罪也乃志為序

浮漲湖兮莽迢遙川后禮兮扈予橈橫增沃

一作兮蓬



仙延川后福兮易

翼一作

予舡

船一作

月澄凝兮明空波星

磊落兮耿秋河夜既良兮酒且多樂方作兮奈別何

右二

詩太和中天平節度使令狐楚立石有文題云自源明迄楚時僅八十年洄源亭渦泊已迷其處矣文見楚集

### 鄭虔

鄭虔滎陽人天寶初為協律郎坐事謫官明皇愛其才特置廣文館授為博士遷著作郎以陷安祿山貶台州司戶叅軍最善杜甫又與祕書監鄭審篇翰齊價虔工畫山水好書常苦無紙乃於慈恩寺貯柿葉數屋日往

取葉肄書歲久殆盡嘗自寫其詩并畫以獻帝親署其  
尾曰鄭虔三絕今存詩一首

閨情

銀鑰開香閣金臺照夜燈  
長征君自慣獨卧妾何曾

畢耀

杜甫集  
作曜

畢耀官監察御史與杜甫善詩三首

古意

璇閨繡戶斜光入千金女兒倚門立  
橫波美目雖往來

羅袂遙遙不相及聞道今年初避人  
珊珊挂鏡長隨身願得侍兒為道意  
後堂羅帳一相親

情人玉清歌

一作張  
南容詩

洛陽有人名玉清

一作洛陽城中  
有一人名玉清

可憐玉清如其名善

踏斜柯能獨立嬋娟花豔無人及  
珠為帟玉為纓臨春風吹玉笙  
悠悠滿天星黃金閣上晚妝成  
雲和曲中為曼聲玉梯不得蹈  
搖袂兩盈盈城頭之日復何情

贈獨孤常州

見紀  
事

洪爐無久停日月速若一作飛忽然衝人身飲酒不須疑

韋濟

韋濟思謙之孫嗣立之子早以辭翰聞開元初調補郵城令對詔第一擢醴泉令為政簡易三遷庫部員外郎歷戶部侍郎天寶七載再為河南尹遷尚書左丞三代皆省轄衣冠榮之詩一首

奉和聖製次瓊嶽應制

陸海披晴雪千旗獵早陽岳臨秦路險河遶漢垣長行  
漏通鵝鵲離宮接建章都門信宿近歌舞從周王

田澄

一作登

田澄天寶時官獻納使起居舍人杜甫嘗有詩贈之詩  
一首

成都為客作

蜀郡將之遠城南萬里橋衣緣鄉淚濕貌以客愁銷地  
富魚為米山芳桂是樵旅遊唯得酒今日過明朝

沈東美

沈東美佺期子初為府掾天寶中除膳部員外郎詩一  
首

奉和苑舍人宿直曉翫新池寄南省友

傳聞閭闔裏寓直有神仙史為三墳博郎因五字遷晨  
臨翔鳳沼春注躍龍泉去似登天上來如看鏡前影搖  
宸翰發波淨列星懸既濟仍懷友流謙欲進賢彈冠聲  
寶貴覆被渥恩偏温室言雖阻文場契獨金玉珂光赫

奕朱紱氣蟬聯興逸潘仁賦名高謝朓篇青雲仰不逮  
白雪和難牽冉冉胡為此甘心老歲年

蘇渙

蘇渙嘗訪杜甫於江浦甫請誦新作有詩美之渙善放  
白弩巴中號為弩跖後變節從學鄉賦擢第累遷至侍  
御史佐湖南崔中丞瓘幕府崔遇害遂踰嶺扇動哥舒  
晃跋扈交廣伏誅詩四首

變律

本十九首  
今存三首

日月東西行寒暑冬夏易陰陽無停機造化渺莫測

一本

作日月東西行照在大荒北

開目為晨光

一作暉

閉目為

其中有燭龍靈怪人莫測

夜色一開復一閉明晦無休息居然六合外

一作內

曠哉

天地德天地且不言世人浪

一作強

喧喧

毒蜂成一窠高挂惡木枝行人百步外目斷魂亦飛長

安大道邊

一作傍

挾彈誰家兒右手持金丸引滿無所疑

一中紛下來勢若風雨隨身如萬箭攢宛轉迷所之徒

有疾惡心奈何不知幾



養蠶為素絲葉盡蠶不老傾筐對空林此意向誰道一  
女不得織萬夫受其寒一夫不得意四海行路難禍亦  
不在大福亦不在先世路險孟門吾徒當勉旃

贈零陵僧

一本下有燕送謁徐廣州六字一  
本作懷素上人草書歌第十九句

缺一  
字

張顛沒在二十年謂言草聖無人傳零陵沙門繼其後  
新書大字大如斗興來走筆如旋風醉後耳熱心更兇  
忽如裴旻舞雙劍七星錯落纏蛟龍又如吳生畫神鬼

魑魅魍魎驚本身鉤鎖相連勢不絕  
倔強毒蛇爭屈鐵  
西河舞劍氣凌雲孤蓬自振唯有君  
今日華堂看灑落  
四座喧呼歎佳作迴首邀余賦一章  
欲令羨價齊鍾張  
琅誦句三百字何似醉僧顛復狂  
忽然告我遊南溟  
言祈亞相求大名亞相書翰凌獻之  
見君絕意必深知  
南中紙價當日貴只恐貪泉成墨池

御定全唐詩卷二百五十五

欽定四庫全書薈要卷一萬七千六百六十一

集部

御定全唐詩卷二百五十六

劉春虛

劉春虛江東人天寶時官夏縣令詩一卷

江南曲

美人何蕩漾湖上風日月

一作月

長玉手欲有贈裴回雙明

璫歌聲隨綠水怨色起青

一作朝一作春

陽日暮還家望雲波

橫洞房

九日送人

海上正搖落客中還別離同舟去未已遠送新相知  
流水意何極滿尊徒爾為從來菊花節早已醉東籬

暮秋揚子江寄孟浩然

木葉紛紛下東南日煙

一作雨

霜林山相晚

一作曉

暮天海

空

一作深

青蒼暝色况復久秋聲亦何長孤舟兼微月獨

夜仍越鄉寒笛對京口故人在襄陽詠思勞今夕江漢

遙相望

潯陽陶氏別業

陶家習先隱種柳長江邊朝夕潯陽郭白衣來幾年霽  
雲明孤嶺秋水澄寒天物象自清曠野情何綿聯蕭蕭  
丘中賞明宰非徒然願守黍稷稅歸耕東山田

登廬山峰頂寺

孤峰臨萬象秋氣何高清天際南郡出林端西江明山  
門二緇叟振錫聞幽聲心照有無界業懸前後生雖  
徒知真機靜尚與愛網并方首金門路未遑參道情

一作

尋東溪還湖中作

出山更回首日暮清溪深東嶺新別處數援叫空林昔  
遊有初迹此路還獨尋幽興方在往歸懷復為令雲峰  
勞前意湖水成遠心望望已超越坐鳴舟中琴

送韓平蕪寄郭微

上客夜相過小童能酌酒即為臨水處正值歸鴈後前  
路望鄉山一作關近家見門柳到時春未暮風景自應有

余憶東州

一作周

人經年別來久殷勤為傳語日夕念攜

手無問前寄書書中一作中間復達否

寄閻防

防時在終南  
豐德寺讀書

青冥南山口一作色君與緇錫鄰深路入古寺亂花隨暮

春紛紛對寂莫往往落衣巾松色空照一作照空水經聲時

有人晚心復南望山遠情獨親應以修往業亦惟立此

身深林度空夜煙月資清真莫歎一作欲文明日彌年徒

隱淪

海上詩送薛文學歸海東



何處歸且遠送君東悠悠滄溟千萬里日夜一孤舟曠  
望絕國所微茫天際愁有時近仙境不定若夢遊或見  
青色古一作石孤山百里一作丈秋前心方杳眇後路勞夷  
猶離別惜吾道風波敬皇休春浮花氣遠思逐海水流  
日暮驪歌後永懷空滄洲

越中問海客

風雨滄洲暮一帆今始歸自云發南海萬里速如飛初  
謂落何處永將無所依冥茫漸西見山色越中微誰念

去時遠人經此路稀泊舟悲且泣使我亦霑衣浮海焉  
用說憶鄉難久違縱為魯連子山路有柴扉

闕題

道由白雲盡春與青溪長時有落花至遠隨流水香閒  
門向山路深柳讀書堂幽映每白日清輝照衣裳

寄江滔求孟六遺文

南望襄陽路思君情轉親偏知漢水廣應與孟家鄰在  
日貪為善昨來聞更貧相如有遺草一為問家人

積雪為小山

飛雪伴春還春庭曉自閒  
虛心應任道遇賞遂成山  
峰小形全秀巖虛勢莫攀  
以幽能皎潔謂近可循環  
孤影臨冰鏡寒光對玉顏  
不隨遲日盡留顧歲華間

贈喬琳

一作張謂詩

去年上策不見收今年寄食仍淹留  
羨君有酒能共醉羨君無錢能不憂  
如今五侯不待客羨君不問五侯宅  
如今七貴方自尊羨君不過七貴門  
丈夫會應有知己

世上悠悠何足論

我葵花歌

一作岑參詩

昨日一花開今日一花開今日花正好昨日花已老人  
生不得長一作恒少年莫惜牀頭酤酒錢請君有錢向酒  
家君不見我葵花

句

歸夢如春水悠悠遶故鄉  
駐馬渡江處望鄉待歸舟

御定全唐詩卷二百五十六

欽定四庫全書薈要卷一萬七千六百六十二

集部

御定全唐詩卷二百五十七

息夫牧

息夫牧蕭穎士門人詩一首

冬夜宴蕭十丈因餞殷郭二子西上

并序

序云冬十有二月家君宰邑許下夫子問津頴  
上二賢將馳會府皆適茲土夜處狹室列座有  
位尊卑儼如或捧觴上壽或摳衣請益始崇詩

以閱禮終講信而脩睦然後文飽於德義潤其  
身頃夫子升堂之後若盧賈劉尹之徒半紀間  
接武鳴躍實夫子訓之薰之斯至也今殷郭二  
子天資才幹而加之鏃羽觀光玉庭俯拾地芥  
其誰曰不然飛霜霑林寒氣總至月落匝戶夜  
將向晨座隅謙謙畢醉溫克則知孔門宴餞異  
於他日二三子終身識之夫子以家君政事百  
里無事命門弟子賦詩鳴琴亦以釋仳離之怨

馬小子不敏忝居門人之末敢不敬書其事詩曰  
有琴斯鳴于宰之庭君子莅止其心孔平政既告成德  
以永貞鳴琴有衍于潁之畔彼之才髦其年未冠聞詩  
聞禮斐兮璨璨鳴琴其怡于潁之湄二子翰飛言戾京  
師有鬱者桂爰一作攀其枝琴既鳴矣宵既清矣烘燂  
有煒酒醴惟旨喟我寤歎吁其別矣

宋華

宋華濮陽宰詩一首



蟬鳴一篇五章

并序

蟬鳴感秋興送將歸也僻守外邑而蘭陵子相過  
詰朝言歸賦詩見志以申贈焉

蟬其鳴矣於彼疎桐庇影容跡何所不容嘒嘒其長永  
託于風未見君子我心忡忡既見君子樂且有融

彼蟬鳴矣於林之表含風飲露以樂吾道有懷載遷伊  
誰云保未見君子我心悄悄既見君子披豁予抱

蟬鳴蟬鳴幽暢乎而肅肅爾庭遠近涼颺言赴高柳叢

篁間之思而不見如渴如饑亦既覲止我心則夷  
蟬鳴伊何時運未與匪歎秋徂怨斯路阻願言莫從鬱  
悒誰語君子至止慰我延佇何斯違斯倏爾遐舉  
歲之秋深蟬其夕吟披衣軒除蕭蕭風林我友來斯言  
告離衿何以叙懷臨水鳴琴何以贈言委順浮沈

鄒象先

鄒象先開元二十三年進士與蕭穎士為同年生仕臨  
渙尉詩一首

寄蕭穎士補正字

一本無補  
正字三字

六月度開

一作關

雲三峯翫山翠爾時黃綬屈別後青雲

致

按紀事象先尉臨渙穎士自京邑無成東歸有贈象先詩來年蕭補正字象先寄詩重述前事蕭後亦有

詩答

韋建

韋建開元天寶間人爲河南令與蕭穎士劉長卿遊詩

二首

河中晚霽

湖廣舟自輕江天欲澄霽是時清楚望氣色猶霾曠  
躡金霞白波上日初麗煙紅落鏡中樹木生天際杳杳  
涯欲斑濛濛雲復閉言垂星漢明又覩寰瀛勢微興從  
此愜悠然不知歲試歌滄浪清遂覺乾坤細宵念客衣  
薄將期永投袂遲迴漁父間

一作問

一雁聲嘹唳

泊舟盱眙

一作常建詩誤

泊舟淮水次霜降夕流清夜久潮侵岸天寒月近城平  
沙依鴈宿候館聽雞鳴鄉國雲霄外誰堪羈旅情

殷寅

殷寅陳郡人早孤事母以孝聞應宏詞舉為永寧尉與  
蕭穎士善詩二首

銓試後徵山別業寄源侍御

別業在徵山登高望畿甸嚴令天地肅城闕如何見藹  
藹王侯門華軒日遊衍幸逢休明代山虜尚交戰投策  
去園林率名皆拜選聖君性則哲濟濟多英彥襄措能  
清通山濤急推薦謏才甘自屏薄伎忝餘眷雖承國士

恩尚乏中人援疇昔相知者今茲秉天憲朱紱何赫赫  
綉衣復蔥蒨

玄元皇帝應見賀聖祚無疆

應歷生周日脩祠表漢年復茲秦嶺上更似霍山前昔  
贊神功啓今符聖祚延已題金簡字仍訪玉堂仙睿祖  
光元始曾孫體又玄言因六夢接慶叶九齡傳北闕心  
超矣南山壽固然無由同拜慶竊抃賀陶甄

柳中庸

柳中庸名淡以字行河東人宗元之族御史并之弟也  
與弟中行皆有文名蕭穎士以女妻之仕為洪府戶曹  
詩十三首

秋怨

玉樹起涼煙凝情一葉前  
別離傷曉鏡搖落思秋弦  
漢壘關山月胡笳塞北天  
不知腸斷夢空遶樂山川

春思贈人

紅粉當三五青娥艷一雙  
綺羅迴錦陌弦管入花江  
落

雁驚金彈拋杯瀉玉缸誰知褐衣客顛顛在書窗

幽院早春

草短花初拆苔青柳半黃  
隔簾春雨細高枕曉鶯長  
無事含閒夢多情識異香  
欲尋蘇小小何處覓錢塘

寒食戲贈

春暮越江邊春陰寒食天  
杏花香麥粥柳絮伴鞦韆  
酒是芳菲節人當桃李年  
不知何處恨已解入箏弦

聽箏



抽弦促柱聽秦箏無限秦人悲怨聲似逐春風知柳態  
如隨啼鳥識花情誰家獨夜愁一作悲燈影何處空樓思

月明更入幾重離別恨江南岐路洛陽城

河陽橋送別

黃河流出有浮橋晉國歸人此路遙若傍闌干千里望  
北風驅馬雨蕭蕭

征

一本下  
有人字怨

歲歲金河復玉關朝朝馬策與刀環三春白雪歸青塚

萬里黃河遶黑山

涼州曲二首

關山萬里遠，征人一望闕。  
山淚滿巾青，海戍頭空有月。  
黃沙磧裏本無春。

高檻連天望，武威窮陰拂地戍。  
金微九城弦管聲，遙發  
一夜闕山雪滿飛。

江行

繁陰乍隱洲，落葉初飛浦。  
蕭蕭

一作  
蕭湘

楚客帆暮入寒

一作

秋 日暮 江雨

丁評事宅秋夜宴集

翠幙卷回廊，銀燈開後堂。  
風驚擁砌葉，月冷滿庭霜。  
綺席人將醉，繁弦夜未央。  
共憐今促席，誰道客愁長。

夜渡江

一作姚崇詩

夜渚帶浮煙，蒼茫晦遠天。  
舟輕不覺動，纜急始知牽。  
聽笛遙尋岸，聞香暗識蓮。  
唯看去帆影，常恐一作似客心懸。


揚子途中

楚塞望蒼然寒林古戍邊  
秋風人渡水落日雁飛天

御定全唐詩卷二百五十七

謹案卷二百五十三第十一頁後一行裏裏楊柳  
枝刊本楊柳訛柳楊據別本改





總校官庶吉士臣張能照

校對官檢討臣王鍾健

謄錄貢生臣蘇曰柄